

Broj: 01-02-2273/23

Sarajevo, 02.10.2023. godine

Z A P I S N I K

5. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 27.09.2023. godine

Sjednica je počela u 10.16.

Sjedinicom je predsjedavala potpredsjedavajuća Edina Gabela.

Potpredsjedavajuća Gabela pozdravila je zastupnice i zastupnike, goste kao i predstavnike akreditiranih medijskih kuća koji prate rad sjednice, te kazala da ne ja osnovu člana 42. i 103. Poslovnika dobila ovlaštenje od predsjedavajuće da vodi sjednicu.

Izostanak su opravdali: Amel Mekić i Dennis Gratz.

Prema evidenciji Stručne službe, potpredsjedavajuća je konstatovala da sjednici prisustvuje dovoljan broj zastupnika za kvalitetan rad i odlučivanje.

Zastupnik Amir Ibrović pokrenuo je inicijativu.

Sa 64 glasa za, sva glasa protiv i 10 uzdržanih glasova, usvojena je sljedeća:

I N I C I J A T I V A

Predstavnički dom Parlamenta Federacije BiH zadužuje Vladu Federacije BiH i resorna ministarstva, da pri planiranju Budžeta za 2024. godinu i ubuduće, planiraju dodatna budžetska sredstva za Federalno ministarstvo unutrašnjih poslova, kako bi moglo, u saradnji i koordinaciji sa kantonalnim ministarstvima unutrašnjih poslova pokrenuti postupak nabavke uređaja-testova za oralno testiranje učesnika u saobraćaju na prisutnost droga u organizmu (saliva rapid screening tests) te iste, kao jednoobrazne i procesno prihvatljive, distribuiralo kantonalnim ministarstvima, kao nadležnima za kontrolu saobraćaja.

Adisa Kokić – Hinović predložila je zaključak.

Sa 59 glasova za, 17 glasova protiv i jednim uzdržanim glasom, usvojen je sljedeći:

Z A K L J U Č A K

Predstavnički dom Parlamenta FBiH zadužuje Vladu FBiH:

Da resorno ministarstvo hitno formira interdisciplinarnu radnu grupu i pristupi izmjeni i dopuni Porodičnog zakona FBiH, s ciljem osnaživanja i unapređenja porodice u FBiH. Da Vlada FBiH pri rebalansu budžeta za ovu godinu i nacrtu budžeta za narednu godinu, osigura i predvidi namjenska sredstva kantonima, kojima bi se osigurala zapošljavanja socijalnih radnika i psihologa u obrazovno - odgojnim i socijalnim ustanovama širom FBiH. Da resorno ministarstvo podrži i unaprijedi formiranja stručnih i profesionalnih timova unutar Centara za socijalni rad, koji će pružati besplatno savjetovalište, podršku i pomoć porodicama, bez obzira da li je porodica u stanju socijalne potrebe ili ne. Formirati posebnu stavku u budžetu FBiH, kojim bi se podržavali svi projekti jačanja porodice u društvu FBiH. Da Vlada FBiH, putem resornih ministarstava, hitno pokrene inicijativu za formiranje odgojnih centara u svim kantonima FBiH, te da iste, u saradnji sa kantonima, finansira. Da resorno ministarstvo, u saradnji sa nevladnim organizacijama, pokrene SOS liniju za porodicu, koja će pružati besplatno savjetovalište i upute šta učiniti i kome se obratiti ukoliko postoje određeni problemi u porodici. Da Ministarstvo za rad i socijalnu politiku, Ministarstvo za obrazovanje i nauku, Ministarstvo za kulturu i sport, Ministarstvo unutrašnjih poslova FBiH, imaju koordinirane i redovne sastanke, koje će rezultirati konkretnim aktivnostima s ciljem

unapređenja postojećeg stanja, osiguranja većeg stepena sigurnosti i povećanja porodične i socijalne zaštite.

Zastupnička pitanja

Alma Kratina pitanje je uputila ministru Deliću, a u ime Komisije za ravnopravnost spolova, vezano za Zaključak, kojeg je Komisija uputila ministarstvu na izjašnjenje. Zaključak je vezan za pristigle zahtjeve za reviziju priznavanja statusa roditelj-njegovatelj, koji je podnesen od strane roditelja djece sa poteškoćama u razvoju. Budući da je rok 15. 09.2023. godine istekao, traži odgovor.

Inicijativu pokreće prema Vladi FBiH, u ime grupe zastupnika vezano za tematsku sjednicu pod nazivom "Sistem zaštite mentalnog zdravlja, stanje i izazovi". Traži od Vlade FBiH da u roku od mjesec dana pripremi prezentaciju na ovu temu kako bi se održala kvalitetna sjednica.

Adnan Delić odgovorio je na pitanje koje mu je postavila zastupnica Kratina.

Sanel Kajan postavio je pitanje Javnom preduzeću Željeznice Federacije Bosne i Hercegovine i Ministarstvu saobraćaja – U kakvom stanju su pruge kojima saobraćaju vozovi Željeznica Federacije Bosne i Hercegovine? Kada je posljednji put urađen detaljan pregled tračnica, te nadzor nad sigurnosnim mrežama i dijelovima pruge gdje je moguć odron kamenja i stijena? Zašto talgo vagone vuku lokomotive znatno starije proizvodnje od ostatka voza? Kada će se osavremeniti sistem kupovine karata i prestati sa dosadašnjom praksom ručnog popunjavanja papirih karata? Koliko često se vrši čišćenje i dezinfekcija unutrašnjosti vozova, a koliko češćenje njihove vanjštine? Kada će vozovi početi saobraćati i drugim pravcima osim već akutelnih?

Ajla Milišić-Pepić postavila je pitanje Federalnom ministarstvu pravde, vezano za do sada poduzetim aktivnostima na provođenju zaključka koji je usvojen na 4. sjednici 25.07.2023. godine, kojim se zadužuje Vlada FBiH i Federalno ministarstvo pravde da u roku od šest mjeseci pripremi i u parlamentarnu proceduru uputi Nacrt Zakona o pravima logoraša, žrtava ratne torture u Federaciji BiH, te traži informaciju o tome.

Postavila je pitanje Vladi FBiH, kojim traži da joj se dostavi informacija o visini plaća svih imenovanih direktora, izvršnih direktora, predsjednika upravnih odbora, koji su u federalnim javnim preduzećima, federalnim ustanovama i organizacijama, te da se navede po kojim propisima i na koji način se uređuje visina plaće svih direktora i izvršnih direktora, da li postoji neka jedinstvena uredba o visini plaća svih direktora?

Izrazila je nezadovoljstvo jer nije dobila odgovor od Federalnog ministarstva zdravstva, vezano za dvije inicijative koje je pokrenula, te obnavlja inicijativu.

Razim Halkić kazao je da sa zastupnicom Azrom Okić pokreće inicijativu i traže izjašnjenje Predstavničkog doma Parlamenta FBiH, kojom se zadužuje Vlada FBiH i Federalno ministarstvo zdravstva da predlože Zakon o zaštiti od neionizirajućeg zračenja u Federaciji BiH, te dao obrazloženje.

Begajeta Čaušević ponovila je inicijativu, jer nije dobila odgovor. Inicijativom traži od Federalnog ministarstva zdravstva i Vlade FBiH izmjenu i dopunu postojećeg Pravilnika o pripravnicičkoj staži i stručnom ispitu zdravstvenih radnika, objavljenom u Službenim novinama a u svrhu poboljšanja efikasnosti i organizacije i načina polaganja stručnog ispita zdravstvenih radnika sa visokom stručnom spremom pri komisijama za polaganje stručnog ispita Federalnog ministarstva zdravstva.

Uputila je i pitanje – koliko je trenutno osoba na listama čekanja za lijekove i zdravstvene usluge putem Fonda solidarnosti, da li je evidentan problem u nabavci i finansiranju citostatika u protekla tri mjeseca, koliko je odbijeno zahtjeva za finansiranje terapija pri komisijama Federalnog ministarstva zdravstva, te koji je najčešći razlog odbijanja istih?

Aner Žuljević prvo pitanje postavio je Federalnom ministarstvu okoliša i turizma – da li su upoznati da je u okviru davanja okolišne dozvole, koja je vezana za proširenje deponije Uborak došlo do nezakonitih aktivnosti, gdje je kroz tri čestice obuhvaćena i imovina kasarne Miralem Jugo u Mostaru. Traži da se bez odlaganja izvrši revizija predmetnog rješenja, te isto stavi van snage.

Drugo pitanje uputio je Finansijskoj policiji Federacije BiH, koja je u periodu od 2000. do 2023. godine bila nosilac aktivnosti i opredjeljenja u borbi protiv korupcije. Traži da mu se dostavi spisak svih predmeta ili izvještaja konkretno o počinjenju krivičnog djela i o njihovom statusu kod tužilaštva kao posebna rubrika u okviru tabela. Također, traži da mu se dostavi i spisak 457 inspekcijskih nadzora po Zakonu o sprečavanju pranja novca i finansiranja terorističkih aktivnosti koje su odrađene u proteklih pet godina.

Damir Mašić prvo pitanje uputio je Vladi FBiH i federalnom ministru zdravstva, a vezano za smjenu direktorice KCUS-a, obzirom da je Vlada Kantona Sarajevo prije četiri mjeseca pokrenula inicijativu za smjenu – šta se čeka da se otkloni direktno kršenje zakona i Statuta Kliničkog centra Univerziteta u Sarajevu i šta poduzimaju po pitaju ovog postupka.

Drugo pitanje uputio je Stručnom savjetu Agencije za nadzor osiguranja koje je odobrilo poskupljenje – šta ih je rukovodilo da donesu potpuno nerazumnu odluku koja ide direktno protiv interesa i na štetu građana Federacije, a direktno pogoduje osiguravajućim kućama? Na osnovu kojih parametara su donijeli odluku o poskupljenju? Šta je uloga Agencije, da štiti interes građana ili da pogoduje osiguravajućim kućama? Šta ih je rukovodilo da potpuno nerazumno i protiv interesa građana povećaju cijenu osiguranja?

Jasmina Bičević-Tokić pitanja je uputila predsjedavajućoj, odnosno rukovodstvu Predstavničkog doma Parlamenta FBiH, a vezano za postupak izbora sudije Ustavnog suda kojeg bira Predstavnički dom – da li su u toku provođenja procedure na osnovu javnog poziva za izbor jednog sudije Ustavnog suda BiH ispoštovane odredbe Poslovnika; Da li su i na koji način zastupnici koji nisu članovi Komisije za izbor i imenovanje zvanično obavješteni o sjednicama Komisije za izbor i imenovanja, na kojim se razmatrala tačka dnevnog reda vezana za izbor jednog sudije Ustavnog suda. Traži odgovor kada i na koji način su zastupnici koji nisu članovi ove Komisije obavješteni o vremenu, terminu i mjestu održavanja ovih sastanaka a posebno sastanaka na kojima je provođen intervju sa kandidatima; Da li je donošenje odluke o imenovanju Radne grupe za provođenje procedure izbora sudija Ustavnog suda kojeg bira Predstavnički dom u skladu sa Poslovnikom; Traži odgovor, da li je u konkretnom slučaju imenovanje Radne grupe za provođenje konkursne procedure izvršeno u skladu sa odredbama Poslovnika; Da li je Radna grupa za provođenje procedure izbora sudije Ustavnog suda koji je imenovao Predstavnički dom bila obavezna izvještaj o svom radu i svoj prijedlog za izbor dostaviti neposredno Predstavničkom domu a ne Komisiji za izbor i imenovanja, obzirom da je radna grupa imenovana od strane Predstavničkog doma; Da li je Radna grupa u svom postupanju prekoračila nadležnosti i provodila radnje koje joj nisu stavljene u zadatak?

Adisa Kokić-Hinović postavila je pitanje vezano za Program rada Predstavničkog doma Parlamenta FBiH.

Također, pokreće inicijativu prema Vladi FBiH, kojom traži da Vlada donese odluku o stručnom osposobljavanju najboljih studenata sa univerziteta u Federaciji u federalnim organima uprave u institucijama, agencijama, zavodima, fondovima i preduzećima, te da iste planira u Programu rada Vlade Federacije BiH za 2024. godinu.

Pokreće set inicijativa za izmjenu krivičnog zakonodavstva Federacije BiH, prema Federalnom ministarstvu pravde, odnosno Radnoj grupi za izmjenu Krivičnog zakona i Zakona o zaštiti od nasilja u porodici.

Haris Šabanović pitanje je uputio Federalnom ministarstvu prostornog uređenja – u kojoj fazi je izrada Regulacionog plana historijskog gradskog područja Blagaj i šta Ministarstvo poduzima na izradi istog, te kada se očekuje donošenje ovog Plana.

Pokrenuo je inicijativu prema Vladi FBiH i Federalnom ministarstvu obrazovanja i nauke, a vezano za sigurnosnu situaciju u školama, te predlaže da se zaduže Vlada i Ministarstvo da osiguraju sredstva i koordiniraju nabavku potrebne opreme za osiguranje školskih objekata, detektora metala, video nadzora i fizičkog osiguranja na prostoru Federacije BiH.

Suada Halilović pokrenula je inicijativu prema Vladi FBiH, da se uvede statističko praćenje medijalne plaće u Federaciji BiH, te dala obrazloženje.

Pitanja je uputila Federalnom zavodu za statistiku – da li se može izvršiti revizija pondera koji se primjenjuju za izračunavanje indeksa potrošačkih cijena, koeficijenata koji odražavaju relativnu važnost odabranih proizvoda i usluga u ukupnoj potrošnji domaćinstava na teritoriji

Federacije BiH; Da li se za izračunavanje indeksa potrošačkih cijena primjenjuju ponderi koji se baziraju na podacima iz ankete o potrošnji domaćinstava iz 2015. godine; Da li će se i kada izvršiti korekcija izračunavanja indeksa potrošačkih cijena bazirana na podacima iz ankete o potrošnji domaćinstava iz 2021. i 2022. godine; Da li će navedene korekcije dovesti do drugačijih pondera a time i statistički povećanja nivoa inflacije u Federaciji BiH u navedenim mjesecima.

Pitanje je uputila i Vladi Federacije BiH i Federalnom ministarstvu okoliša i turizma – da li do kraja tekuće godine možemo očekivati zatvaranje i početak sanacije deponije Uborak u Mostaru; Da li su planirana finansijska sredstva za sanaciju, rekultivaciju plohe stare deponije Uborak; Da li je izvršen monitoring podzemnih voda za 2021. i 2022. godinu za regionalnu deponiju Uborak Buđevci, te da joj se dostavi odgovor.

Edita Mazić pokrenula je inicijativu prema Federalnom ministarstvu za pitanja boraca i invalida odbrambeno-oslobodilačkog rata, da se implementira pravo definisano Zakonom o pravima demobilisanih boraca i članova njihovih porodica koje se odnosi na izdavanje identifikacione kartice.

Naredna inicijativa, također, prema Federalnom ministarstvu za pitanja boraca i invalida odbrambeno-oslobodilačkog rata da se izvrši izmjena i dopuna Zakona o prijevremenom povoljnijem penzionisanju branilaca odbrambeno-oslobodilačkog rata, traži od Ministarstva da u saradnji sa Federalnim ministarstvom za rad i socijalnu politiku pristupe izmjenama i dopunama ovog Zakona, te omogućiti navedenoj kategoriji uslove za penzionisanje.

Također, pitanje je uputila i Vladi FBiH – zašto na današnjoj sjednici Predstavničkog doma nije uvršten Rebalans Budžeta Federacije BiH za 2023. godinu i kada se može očekivati?

Marijan Marjanović, kazao je da nije dobio odgovor upućen Federalnom ministarstvu raseljenih osoba i izbjeglica, a koje se odnosi na obnovu kuća povratnika na prostoru Srednjobosanskog kantona.

Dva pitanja uputio je Federalnom ministarstvu zdravstva - kada će ministarstvo donijeti akt, kojim bi se reguliralo trajanje, program i grane specijalizacije u sestrinstvu.

Naredno pitanje upućeno je Federalnom ministarstvu zdravstva, a odnosilo se na diplomirane medicinske sestre, diplomirane fizioterapeute, sanitarne inženjere, odnosno osobe koje su završile Fakultet zdravstvenih studija koje se zaposle u zdravstvenim ustanovama, a često im nije omogućeno pravo iz Kolektivnog ugovora, odnosno nemaju priznat koeficijent za školu koju su završili. Šta Federalno ministarstvo zdravstva poduzima po ovom pitanju u skladu sa svojim zakonskim ovlaštenjima. Također, poziva nadležne da na nivou Federacije usklade i urede oblast sestrinstva sa evropskom direktivom.

Haris Silajdžić kazao je da traži ponovo odgovor na pitanje koje je postavio na prošloj sjednici jer njime nije zadovoljan. Prvo pitanje uputio je Federalnom ministarstvu energije, rudarstva i industrije, a odnosi se zabranu u usvojenom zakonu od 10 MW, da li je to na osnovu stručne komisije, a ako nije, da se kaže javnosti da li je to na osnovu lobiranja udruženja i nevladinih organizacija. Naredno pitanje – u kojoj su fazi sa uspostavljanjem sistema sa trgovinom emisijama, kako bi izbjegli primjenu mehanizma prekograničnog poravnanja emisija ugljika. Treće pitanje uputio je pravosudnim organima – u okviru akcije "Registar" iz 2017. godine, između ostalih, uhapšen je u Dragan Mioković te ga zanima, u kojoj fazi je suđenje u ovom predmetu, ako je podignuta optužnica, a ako nije zašto nije.

Admir Čavalić pitanje je uputio Federalnom ministarstvu okoliša i turizma – da li je Ministarstvo upoznato sa činjenicom da šljakište u naselju nedaleko od Tuzle se nalazi u blizini planiranog gradskog groblja Drežnik u Tuzli i da li je izvršena procjena rizika po zdravlje budućih posjetitelja i radnika tog groblja. Također, pitanje upućuje i TE Tuzla, ukoliko postoji procjena rizika, traži da mu se dostavi dokumentacija.

Drugo pitanje vezano je za utjecaj mjera neposredne kontrole cijena na području Federacije BiH, te da li postoji neka statistička analiza vezana za ovu tematiku.

Pokrenuo je inicijativu da se izvrši revizija svih udžebnika na nivou Federacije BiH od strane nadležnog ministarstva.

Pokrenuo je inicijativu da se u parlamentarnu proceduru vrati Nacrt zakona o spriječavanju sukoba interesa u organima vlasti u FBiH.

Adnan Efendić postavio je pitanje vezano za Rebalans Budžeta Federacije BiH, te inicira prema Vladi FBiH i resornom ministarstvu da se u Rebalansu nađu sredstva za dobrotvorna društva, te pitanje povećanja sredstava u Fond solidarnosti odnosno za potrebe onkoloških pacijenata.

Amir Ibrović pitanje je uputio premijeru Federacije BiH – u kojoj fazi realizacije se nalazi projekat izgradnje podzemnog skladišta plina za potrebe Federacije BiH?

Amir Purić postavio je pitanje, vezano za Zakon o sprječavanju sukoba interesa u organima vlasti u FBiH te kada će se ovaj Zakon vratiti u parlamentarnu proceduru.

Bajro Makić pitanje je postavio Vladi FBiH i Federalnom ministarstvu poljoprivrede, vodoprivrede i šumarstva, a vezano za Zakon o šumama. Šta Vlada namjerava uraditi sa Zakonom o šumama i kada će isti uputiti u parlamentarnu proceduru?

Slaven Raguž pokrenuo je inicijativu vezanu za nedostatak citostatika i liječenja onkoloških pacijenata, te inicira prema Klegiju Predstavničkog doma da organizira tematsku sjednicu vezanu za nedostatak citostatika i liječenja onkoloških pacijenata u Federaciji u cilju nalaženja sistemskog rješenja.

Pitanje je uputio Federalnom ministarstvu poljoprivrede, vodoprivrede i šumarstva – šta ministarstvo ima namjeru uraditi po pitanju 16 hiljada duluma zemlje u Odžaku, koje korake planira poduzeti da se to zemljište stavi u funkciju.

Naredno pitanje uputio je Federalnom ministarstvu finansija, kojim traži da mu se dostavi izvještaj o radu Saveza računovođa, revizora i finansijskih djelatnika za period 01.03.2022. i 28.02.2023. godine.

Kenela Zuko pokrenula je inicijativu prema Vladi FBiH i nadležnim ministarstvima, a vezano je za Zakon o ustanovama socijalne zaštite, izradi pravilnika, kako bi se u ustanovama za socijalnu zaštitu zapošljavali isključivo stručno kadrovi.

Naredna inicijativa odnosi se na obustavu javnog poziva za registraciju i organizaciju osoba sa invaliditetom u Federaciji BiH po osnovu Zakona o organizacijama i reprezentativnim organizacijama osoba sa invaliditetom u FBiH.

Naredna inicijativa je ispred grupe zastupnika, kojom se traži sazivanje tematske sjednice o položaju osoba sa invaliditetom.

Mirza Ćelik pitanje je uputio jednom od dopremijera, a vezano je za kako je navedeno, sistemsku pljačku građana Kantona Sarajevo od strane Energoinvesta, budući da je razlika u isporuci cijene prirodnog gasa takva da se vrši eksta profit ovog preduzeća.

Marijana Šikulaak - Hrvić postavila je pitanje – zašto Nacrt Zakona o izmjenama i dopunama Zakona o zaštiti prirode u FBiH još nije uvršten na dnevni red redovnih sjednica Predstavničkog doma, obzirom da je usvojen prije godinu dana.

Naredno pitanje – zašto nikad nisu provredene javne rasprave Nacrta Zakona o zaštiti od nasilja u porodici i kada će biti i kada će prijedlog biti uvršen na dnevni red.

Pokrenula je inicijativu, a odgovor nije dobila, vezano za lijekove za liječenje tuberkuloze.

Također, nije dobila odgovor na inicijativu vezanu za nabavku i uvrštavanje na listu lijekova Fonda solidarnosti za oboljele od mijeloma i drugih rijetkih bolesti.

Pokrenula je inicijativu da se izradi propis kojim se zabranjuje upotreba mobilnih telefona i tableta tokom trajanja nastave u svim osnovnim i srednjim školama u Federaciji BiH, osim u situacijama kada je upotreba neophodna zbog edukativnih, medicinskih i drugih opravdanih razloga.

Fahudin Skopljak komentirao je odgovor koji je dobio od Cesta Federacije BiH, te traži da mu se unazad pet godina dostavi koliko su građani Tuzlanskog kantona uplatili sredstava po osnovu registracije vozila, putarina i akciza i da mu se dostavi analiza stanja cesta u Tuzlanskom kantonu.

Eldar Ćomor postavio je pitanje, kojim traži da mu se dostavi ugovor o rekonstrukciji pruge na dionici Ilidža – Muzej, svi eventualni aneksi ugovora, izvještaji o utrošku kreditnih sredstava, finansijski izvještaji o tome koliko je do sada isplaćeno sredstava po zadanoj građevinskoj situaciji kao i konačna cijena koštanja rekonstrukcije tramvajske pruge u Sarajevu.

Napomenuo je da je zastupnica Begajeta Čaušević pokrenula inicijativu za održavanje tematske sjednice na temu Problemi u funkcionisanju Fonda solidarnosti FBiH sa konkretnim prijedlozima za rješavanje definisane problematike.

Almedin Aliefendić komentirao je nedolazak premijera na sjednicu.

Pokrenuo je inicijativu prema Vladi FBiH i resornom ministarstvu za donošenje Zakona o sigurnosti sportskih događaja, te je obrazložio.

Damir Nikšić pokrenuo je inicijativu prema Vladi FBiH, kojom bi pustošenje šuma od strane organizacija i grupa bilo proglašeno terorističkim činom, a te grupe i organizacije terorističkim.

Pitanje je uputio Vladi FBiH – da li je ikada službeno zatražila od Centralne banke BiH da joj iz izvještaja blokiranih računa preduzeća dostavi instrukciju ili preporuku šta trebaju poduzeti za likvidaciju takvih firmi i u kojem najkraćem roku bi se to moglo izvesti.

Mahir Mešalić postavio je pitanje Obavještajnoj službi, odnosno direktoru Džuvi – da li je Obavještajno-sigurnosna agencija BiH prisluškivala bilo kojeg građanina Bosne i Hercegovine bez naloga suda ili na nezakonit način? Da li imaju informaciju, kako ministar vanjskih poslova Konaković ima informaciju o prisluškivanju od strane Obavještajno-sigurnosne agencije.

Prešlo se na utvrđivanje dnevnog reda.

U raspravi o izmjenama i dopunama dnevnog reda učestvovao je Mario Karamatić.

Prijedlog Vlade FBiH da se u dnevni red uvrsti tačka – Prijedlog Zakona o pravima demobilisanih branilaca i članova njihovih porodica, usvojen je sa 79 glasova za, bez glasova protiv i jednim uzdržanim glasom.

Prijedlog Adise Kokić-Hinović da se u dnevni red uvrsti tačka – Prijedlog Zakona o izmjenama Zakona o visini stope zatezne kamate na javne prihode, usvojen je sa 69 glasova za, dva glasa protiv i sedam uzdržanih glasova.

Prijedlog Komisije za jednakopravnost spolova da se u dnevni red uvrsti zaključak, usvojen je sa 59 glasova za, dva glasa protiv i 13 uzdržanih glasova.

Prijedlog Vlade FBiH da se Prijedlog Zakona o ujednačavanju penzija ostvarenih u službi u Oružanim snagama BiH razmatra po hitnom postupku, usvojen je sa 80 glasova za, bez glasova protiv i bez uzdržanih glasova.

Prijedlog Vlade FBiH da se Prijedlog Zakona o izmjenama i dopunama Zakona o pravima demobilisanih branilaca i članova njihovih porodica razmatra po hitnom postupku, usvojen je sa 80 glasova za, bez glasova protiv i bez uzdržanih glasova.

Prijedlog da se Prijedlog Zakona o izmjenama Zakona o visini stope zatezne kamate na javne prohode razmatra po hitnom postupku, usvojen je sa 66 glasova za, dva glasa protiv i šest uzdržanih glasova.

Nakon glasanja o dnevnom redu, Damir Mašić u ime Kluba tražio je pojedinačno izjašnjavanje. Na osnovu pojedinačnog izjašnjavanja, sa 92 glasa za, bez glasova protiv i bez uzdržanih glasova, usvojen je sljedeći:

D N E V N I R E D

1. Prijedlog Zakona o ujednačavanju penzija ostvarenih po Zakonu o službi u Oružanim snagama Bosne i Hercegovine – hitni postupak,
2. Prijedlog Zakona o izmjenama i dopunama Zakona o pravima demobilisanih branilaca i članova njihovih porodica – hitni postupak,
3. Prijedlog Zakona o izmjenama Zakona o visini stope zatezne kamate na javne prihode – hitni postupak,
4. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
5. Prijedlog Zakona o izmjenama i dopuni Zakona o obaveznim osiguranjima u saobraćaju – skraćeni postupak,
6. Prijedlog Zakona o izmjeni Zakona o konstituiranju novih općina u Federaciji BiH i izmjeni područja općina podijeljenih međuentitetskom i međukantonalnom linijom – skraćeni postupak,
7. Nacrt Zakona o jakim alkoholnim pićima,

8. Nacrt Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine,
9. Nacrt Zakona o izmjenama i dopuni Porodičnog zakona Federacije Bosne i Hercegovine,
10. Nacrt Zakona o izmjenama i dopunama Zakona o vanparničnom postupku,
11. Prijedlog Strategije razvoja turizma Federacije Bosne i Hercegovine 2022.-2027. godina,
12. Informacija o aktivnostima u postupku izdavanja Energetske dozvole za izgradnju fotonaponske elektrane "EPHZHB 1" od Privrednog društva Javno preduzeće "Elektroprivreda Hrvatske zajednice Herceg Bosne" d.d. Mostar sa Prijedlogom zaključka,
13. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat unapređenja kvalitete zraka,
14. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat finansiranja Razvojne politike zdravstvenog sektora,
15. Usaglašavanje Prijedloga Zakona o korištenju obnovljivih izvora energije i efikasne kogeneracije,
16. Zaključak Komisije za jednakopravnost spolova Predstavničkog doma Parlamenta FBiH,
17. Izbori i imenovanja.

1. Prijedlog Zakona o ujednačavanju penzija ostvarenih po Zakonu o službi u Oružanim snagama Bosne i Hercegovine – hitni postupak,

Prijedlog Zakona utvrdila je Vlada FBiH,

Prijedlog Zakona razmatrala su nadležna radna tijela i dostavila izvještaje.

Ispred Odbora za boračka i invalidska pitanja obrazlagao je Halil Bajramović.

Ispred Odbora za ekonomsku i finansijsku politiku obrazlagao je Admir Čavalić.

U raspravi su učestvovali: Hamdija Abdić, Marijana Šikuljak- Hrvić, Haris Silajdžić, Admir Čavalić, Almedin Aliefendić, Amra Kaljuć-Junuzović, Mirsad Čamdžić, Damir Mašić, Mirza Batalović, Mahir Mešalić, Aner Žuljević, te ministar Adnan Delić.

Sa 88 glasova za, bez glasova protiv i bez uzdržanih glasova, usvojen je Prijedlog Zakona o ujednačavanju penzija ostvarenih po Zakonu o službi u Oružanim snagama Bosne i Hercegovine.

2. Prijedlog Zakona o izmjenama i dopunama Zakona o pravima demobilisanih branilaca i članova njihovih porodica – hitni postupak,

Prijedlog Zakona utvrdila je Vlada FBiH,

Prijedlog Zakona razmatrala su nadležna radna tijela i dostavila izvještaje.

Ispred Ministarstva dodatno obrazloženje dao je Nedžad Lokmić.

Ispred Odbora za boračka i invalidska pitanja obrazlagao je Halil Bajramović

U raspravi su učestvovali: Eldar Čomor, Almedin Aliefendić i ispred Ministarstva Nedžad Lokmić.

Sa 85 glasova za, bez glasova protiv i bez uzdržanih glasova, usvojen je Prijedlog Zakona o izmjenama i dopunama Zakona o pravima demobilisanih branilaca i članova njihovih porodica.

3. Prijedlog Zakona o izmjenama Zakona o visini stope zatezne kamate na javne prihode – hitni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Vlada FBiH je 22. septembra, 2023. godine dostavila amandman na Prijedlog ovog Zakona koji je postao njegov sastavni dio.

U raspravi niko nije učestvovao.

Sa 76 glasova za, bez glasova protiv i bez uzdržanih glasova, usvojen je Prijedlog Zakona o izmjenama Zakona o visini stope zatezne kamate na javne prihode.

Pauza do 14,20.

Nakon pauze prešlo se na rad po tački 4. dnevnog reda.

4. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred nadležnog ministarstva dodatno obrazloženje dao je Jasmin Rustemi.

Ispred Odbora za ekonomsku i finansijsku politiku obrazlagao je Admir Čavalić.

Prije otvaranja pretresa, potpredsjedavajuća je, na osnovu člana 172. stav 3. Poslovnika kazala da se ne radi o složenom i obimnom Prijedlogu Zakona, te pozvala zastupnike da se izjasne hoće li će se razmatrati po skraćenom postupku, a što je sa 82 glasova za, bez glasova protiv i bez uzdržanih glasova usvojeno.

Na Prijedlog ovog Zakona amandman je podnio Admir Čavalić. Vlada FBiH prihvatila je amandman (u članu 1. u stavu (1) riječi „do 30. juna 2024. godine“ zamjenjuju se sa „do 30. juna 2025. godine“).

U raspravi niko nije učestvovao.

Sa 82 glasa za, bez glasova protiv i bez uzdržanih glasova, usvojen je Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

5. Prijedlog Zakona o izmjenama i dopuni Zakona o obaveznim osiguranjima u saobraćaju – skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred nadležnog ministarstva dodatno obrazloženje dao je Jasmin Rustemi.

Ispred Odbora za promet i komunikacije obrazlagao je Josip Martić.

Ispred Odbora za ekonomsku i finansijsku politiku obrazlagao je Admir Čavalić.

Prije otvaranja pretresa, potpredsjedavajuća je, na osnovu člana 172. stav 3. Poslovnika kazala da se ne radi o složenom i obimnom Prijedlogu Zakona, te pozvala zastupnike da se izjasne hoće li će se razmatrati po skraćenom postupku, a što na osnovu pojedinačnog izjašnjavanja nije usvojeno, 48 glasova za, 41 glas protiv i jedan uzdržani glas, te će se razmatrati u formi nacrt.

U raspravi su učestvovali: Slaven Raguž, Admir Čavalić, Adnan Efendić, Mahir Mešalić, Eldar Čomor, Aner Žuljević, Fahrudin Skopljak i Damir Nikšić.

Sa 48 glasova za, 39 glasova protiv i tri uzdržana glasa, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o izmjenama i dopuni Zakona o obaveznim osiguranjima u saobraćaju, te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanom obliku.

Klub zastupnika SDA predložio je zaključak.

Sa 69 glasova za, jednim glasom protiv i 13 uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH zadužuje Agenciju za nadzor osiguranja Federacije BiH da poništi Odluku o povećanju premije osiguranja za 6,2%.

6. Prijedlog Zakona o izmjeni Zakona o konstituiranju novih općina u Federaciji BiH i izmjeni područja općina podijeljenih međuentitetskom i međukantonalnom linijom – skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Škobić.

Ispred Komisije za lokalnu samoupravu obrazlagao je Salko Zildžić.

Prije otvaranja pretresa, potpredsjedavajuća je, na osnovu člana 172. stav 3. Poslovnika kazala da se ne radi o složenom i obimnom Prijedlogu Zakona, te pozvala zastupnike da se izjasne hoće li će se razmatrati po skraćenom postupku, a što je sa 74 glasa, bez glasaova protiv i jednim uzdržanim glasom usvojeno.

U raspravi niko nije učestvovao.

Sa 73 glasa za, bez glasova protiv i bez uzdržanih glasova, usvojen je Prijedlog Zakona o izmjeni Zakona o konstituiranju novih općina u Federaciji BiH i izmjeni područja općina podijeljenih međuentitetskom i međukantonalnom linijom.

7. Nacrt Zakona o jakim alkoholnim pićima

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred nadležnog ministarstva dodatno obrazloženje dao je Kemal Hrnjić.

U raspravi su učestvovali: Alma Beganović, Marja Marjanović, Safet Omerović, Amra Kaljić-Junuzović, Delfa Dejanović, te ispred Ministarstva Nedžad Hrnjić.

Sa 62 glasa za, tri glasa protiv i tri uzdržana glasa, usvojen je sljedeći:

ZAKLJUČAK

Predstavnički dom Parlamenta FBiH prihvata Nacrt Zakona o jakim alkoholnim pićima, te smatra da može poslužiti kao osnova za izradu Prijedloga zakona.

Zadužuje se predlagač da organizuje i provede javnu raspravu u trajanju od 90 dana.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

8. Nacrt Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ministar Nedić da je dodatno obrazloženje.

Ispred Odbora za prostorno uređenje, stambeno-komunalnu politiku, ekologiju i turizam, obrazlagao je Nijaz Helez.

U raspravi su učestvovali: Mirsad Čamdžić, Admir Čavalić, Adnan Efendić, Nijaz Helez i ministar Željko Nedić.

Sa 60 glasova za, bez glasova protiv i četiri uzdržana glasa, usvojen je sljedeći:

ZAKLJUČAK

Predstavnički dom Parlamenta FBiH prihvata Nacrt Zakona o izmjenama i dopunama Zakona o prostornom planiranju i korištenju zemljišta na nivou Federacije BiH, te smatra da može poslužiti kao osnova za izradu Prijedloga zakona.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

Ispred Kluba zastupnika Stranke za BiH, Admir Čavalić predložio je zaključak.

Sa 51 glasom za, jednim glasom protiv i pet uzdržanih glasova, usvojen je sljedeći:

Z A K L J U Č A K

Zadužuje se Vlada FBiH da dostavi informaciju u kojoj je fazi izrada/nabavka softvera putem kojeg će se izdavati elektronske dozvole i na koji način će biti inkorporirano pitanje elektronskog potpisa i pečata, te uvezivanje javnih komunalnih preduzeća i općina/gradova u isti, te koja je okvirna procjena finansijskih sredstava neophodnih za ove radnje - shodno Nacrtu Zakona o izmjenama i dopunama Zakona o prostornom planiranju i korištenju zemljišta na nivou Federacije Bosne i Hercegovine. Također, zadužuje se Vlada FBiH da u roku od 6 mjeseci u parlamentarnu proceduru uputi Zakon o elektronskom potpisu FBiH.

9. Nacrt Zakona o izmjenama i dopuni Porodičnog zakona Federacije Bosne i Hercegovine,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ministar Škobić je dao dodatno obrazloženje.

Ispred Komisije za zaštitu ljudskih prava i sloboda obrazlagao je Mirsad Čamdžić.

U raspravi niko nije učestvovao.

Sa 53 glasa za, dva glasa protiv i pet uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o izmjenama i dopuni Porodičnog zakona Federacije BiH, te smatra da može poslužiti kao osnova za izradu Prijedloga zakona.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

10. Nacrt Zakona o izmjenama i dopunama Zakona o vanparničnom postupku,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ministar Škobić je dao dodatno obrazloženje.

U raspravi su učestvovali: Ajla Milišić-Pepić i ministar Škobić.

Sa 62 glasa za, jednim glasom protiv i šest uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o izmjenama i dopunama Zakona o vanparničnom postupku, te smatra da može poslužiti kao osnova za izradu Prijedloga zakona.

Zadužuje se predlagač da organizuje i provede javnu raspravu u trajanju od 90 dana.

Zadužuje se predlagač da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one koje su dostavljene ili će biti dostavljene u pisanom obliku.

11. Prijedlog Strategije razvoja turizma Federacije Bosne i Hercegovine 2022.-2027. godina,

Prijedlog Strategije dostavila je Vlada FBiH.

Prijedlog Strategije razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je ministrica Nasiha Pozder.

Ispred Odbora za prostorno uređenje, stambeno-komunalnu politiku, ekologiju i turizam, obrazlagao je Nijaz Helez.

U raspravi su učestvovali: Admir Čavalić, Ajla Milišić-Pepić, Damir Nikšić, Alma Kratina, Kadrija Hodžić, Delfa Dejanović, Aldar Čomor, Amir Purić, Mahir Mešalić, Mirsad Čamdžić, Mirza Čelik, Halil Bajramović, Marko Cvjetanović, Damir Nikšić i ministrica Pozder.

Sa 66 glasova za, pet glasova protiv i dva uzdržana glasa, usvojen je Prijedlog Strategije razvoja turizma Federacije Bosne i Hercegovine 2022.-2027. godina.

Zastupnik Admir Čavalić predložio je zaključak.

Sa 61 glasom za, dva glasa protiv i šest uzdržanih glasova, usvojen je sljedeći:

Z A K L J U Č A K

Zadužuju se Vlada FBiH i Federalno ministarstvo okoliša i turizma da izvrše stručnu lekturu teksta dokumenta Strategija razvoja turizma FBiH 2022. do 2027. godine.

Ispred Kluba zastupnika Stranke za BiH, Admir Čavalić zatražio je pauzu 30 minuta.

Pauza

12. Informacija o aktivnostima u postupku izdavanja Energetske dozvole za izgradnju fotonaponske elektrane "EPHZHB 1" od Privrednog društva Javno preduzeće "Elektroprivreda Hrvatske zajednice Herceg Bosne" d.d. Mostar sa Prijedlogom zaključka,

Informaciju je dostavila Vlada FBiH.

Informaciju su razmatrala nadležna radna tijela i dostavila izvještaje.

Ispred Odbora za energetiku obrazlagao je Kadrija Hodžić.

U raspravi je učestvovao Sanel Kajan.

Sa 55 glasova za, 15 glasova protiv i tri uzdržana glasa, Predstavnički dom donio je zaključak o davanju prethodne saglasnosti u postupku izdavanja Energetske dozvole za izgradnju fotonaponske elektrane "EPHZHB 1" od Privrednog društva Javno preduzeće "Elektroprivreda Hrvatske zajednice Herceg Bosne" d.d. Mostar.

13. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat unapređenja kvalitete zraka,

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Federalnog ministarstva finansija dodatno obrazloženje dao je Vedad Nežirić.

U raspravi su učestvovali: Fahrudin Skoplja, Mahir Mešalić, Mirza Čelik, Mario Karamatić, Admir Čavalić, Adnan Efendić, Aner Žuljević, Halil Bajramović, Mirsad Čamdžić, Almedin Aliefendić, te ispred Ministarstva Vedad Nezirić.

Na osnovu pojedinačnog izjašnjavanja, sa 51 glasom za, 17 glasova protiv i 13 uzdržanih glasova, Predstavnički dom donio je Odluku o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat finansiranja Razvojne politike zdravstvenog sektora.

14. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat finansiranja Razvojne politike zdravstvenog sektora,

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostvila izvještaje.

Ispred Federalnog ministarstva finansija dodatno obrazloženje dao je Vedad Nezirić.

Ispred Odbora za zdravstvo obrazlagala je Amra Kaljić-Junuzović.

U raspravi su učestvovali: Jasmina Biščević-Tokić, Begajeta Čaušević, Melika Mahmutbegović, Mahir Mešalić, Mara Đukić, Halil Bajramović, Haris Šabanović, te ispred ministarstva Vedad Nezirić.

Sa 54 glasa za, 11 glasova protiv i četiri uzdržana glasa, Predstavnički dom donio je Odluku o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat finansiranja Razvojne politike zdravstvenog sektora.

15. Usaglašavanje Prijedloga Zakona o korištenju obnovljivih izvora energije i efikasne kogeneracije

Predstavnički dom Parlamenta FBiH je na 3. redovnoj sjednici održanoj 03.07.2023. godine, usvojio Prijedlog Zakona o korištenju obnovljivih izvora energije i efikasne kogeneracije, sa devet amandmana koje je Vlada FBiH prihvatila, pa su postali sastavni dio Prijedloga Zakona i šest amandmana koja je Vlada prihvatila pa su postali sastavni dio Prijedloga Zakona. Dom naroda je 31.07.2023. godine usvojio Prijedlog ovog Zakona sa devet vladinih amandmana i tri amandmana koji su prihvaćeni na sjednici Predstavničkog doma. Potpredsjedavajuća je pozvala zastupnike da se izjasne o amandmanima I. IV. i VI.

Ispred nadležnog odbora obrazlagao je Kadrija Hodžić.

Ispred resornog ministarstva obratio se Sanjin Habul.

Sa 61 glasom za, dva glasa protiv i dva uzdržana glasa, Predstavnički dom usvojio je amandmane I, IV i VI na Prijedlog Zakona o korištenju obnovljivih izvora energije i efikasne kogeneracije onako kako su predloženi od strane Vlade Federacije BiH i prihvaćeni u Domu naroda Parlamenta Federacije BiH.

16. Zaključak Komisije za jednakopravnost spolova Predstavničkog doma Parlamenta FBiH

Komisija za jednakopravnost spolova dostavila je Prijedlog zaključka.

Ispred Komisije dodatno obrazloženje dala je Alma Kratina.

U raspravi su učestvovali: Damir Mašić i Haris Šabanović.

Sa 68 glasova za, bez glasova protiv i dva uzdržana glasa, usvojen je sljedeći:

Z A K L J U Č A K

Predstavnički dom Parlamenta Federacije BiH podržava započete aktivnosti Federalnog ministarstva pravde o formiranju radne grupe za izradu Prijedloga zakona o zaštiti od nasilja u porodici. Sugerije se Federalnom ministarstvu pravde da izradu Prijedloga Zakona o zaštiti od nasilja u porodici i izmjene i dopune Krivičnog zakona u Federaciji BiH razmatra istovremeno kako bi se došlo do adekvatnijeg zakonskog okvira kroz koji će se zaštititi žrtva

nasilja u skladu sa Istanbulskom konvencijom i pooštriti kaznena politika za nasilnika – počinitelja nasilja.

Obavezuje se Federalno ministarstvo pravde da u roku od 90 dana u parlamentarnu proceduru dostavi Prijedlog Zakona o zaštiti od nasilja u porodici kao i Izmjene i dopune Krivičnog zakona Federacije BiH.

17. Izbori i imenovanja

Po ovoj tački dnevnog reda nije bilo materijala za razmatranje.

Izvršena je prozivka prisutnih zastupnika u sali.

Potpredsjedavajuća je zaključila rad 5. redovne sjednice u 21.30.

Transkript i prijepis transkripta čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BIH

Mirjana Marinković-Lepić